

Heilbron *Herald*

If it is not in the Heilbron Herald, it is only a rumour.

WEEK 15 Deel 110

VRYDAG - 18 APRIL 2019

www.heilbronherald.co.za

R5-00 (BTW ingesluit)

Paraatheid tydens paastyd

Beskerm jou vee

Wees voorbereid hierdie Paasnaweek vir veediefstal. Groot dele van die Vrystaat is reeds besig om hulself voor te berei en nodige veiligheidsmaatreëls in plek te stel om veediefstal te kan bekamp. Talle diere word hierdie tyd van die jaar gesteel. Dit het drasties toegeneem die afgelope twee jaar. Die feit dat dit Vrydagaand volmaan is vergemaklik veediefstal geweldig baie. Skape en ander vee word nie nooddwendig net gesteel en verkoop nie, maar word wreed doodgemaak. Volgens berigte kan die veediefstal drasties verhoog word hierdie komende langnaweek. Veediewe slaan gewoonlik toe gedurende die aand. Hoofsaaklik word skape en beeste gesteel, maar kleinvee-

boere moenie te gou gemaklik raak nie. Varke en bokke word wel nie sommer gesteel nie omdat hulle te veel geraas maak. Vroeë in die jaar is veediefstal statistieke as volg bekend gemaak: daagliks word sowat 178 beeste gesteel, 249 skape en 115 bokke. Volgens hierdie statistieke word dit bepaal asof ten minste een ekonomiese plaaseenheid daagliks ten gronde gaan. In die Vrystaat en Oos-Kaap word daar onderskeidelik meer as 20 000 skape per jaar gesteel. Voorstelle is deur plaaslike boere gemaak hoe om veediefstal te probeer voorkom:

• Maak seker jou vee is met 'n tatoeërmerk of brandmerke gemerk sodat dit maklik is vir die polisie om die vee te kan identifiseer. Dit

maak dit ook makliker om jou vee te kan uitken sodat jy hulle kan terugkry. Merk jou diere en ken hulle uit met oorplaatjies.

• Vervoerpermitte moet gebruik word sodat boere teen alle tye bewus is waarheen die diere vervoer word en wanneer hulle bestemming bereik is. Dit is ook maklik om terug te kyk na die data indien iets gebeur. Maak seker dat al die nodige dokumente in orde is sodat jy bewyse het dat die diere aan jou behoort.

• Sluit verkiekslik jou kleinvee saans toe sodat hulle uit die oog van veediewe kan wees.

• Daar word aanbeveel dat sekuriteit op plase opgeskerp moet word. Installeer elektriese heinings en kamarastelsels. Selfs wagte is 'n goeie keuse. Maak seker die wagte het die nodige opleiding ontvang.

• Ry plaaspatrollies gedurende ongewone

tye sodat veediewe nie 'n patroon kan opmerk nie.

Heilbron Herald het vroeëer al berig oor die nuwe veediefstal-hulpyl wat beskikbaar is om te help met die voorkoming van veediefstal. Vergewis jouself gerus met die hulpyl en hoe dit gebruik kan word.

Die hulpyl-nommer is 086 199 9300, wat beskikbaar is vanaf 08:00 - 13:00, elke dag. Die gebruik van die hulpyl word ook na-ure gemonitor. WhatsApp inligting na 079 524 5040. Indien die hulpyl-nommer beset is, kan 'n WhatsApp-boodskap met kontakbesonderhede (naam, van, plaasnaam, telefoon nommer en foto van brandmerk-sertifikaat) gestuur word. Andersins kan 'n stemboodskap gelos word of e-pos gestuur word met kontakbesonderhede na vee@vslandbou.co.za.

Bring al jou oorbode items vir die rommelverkoping!

27 APRIL 2019

Kom kuier lekker saam op SATERDAG, 27 APRIL vanaf 10:00 tot laat... Bring jou hele gesin en geniet die dag!

ENIGE IMPLEMENTE INSKRYWINGS WELKOM VEEVEILING om 11:00

KRAALBESPREKINGS by Wolter | 084 407 9394 Bennie Steenkamp | 082 328 4998 STALLETJIEBESPREKINGS voor 25 APRIL by Liaani | 084 586 1741

ULTIMO AUCTIONEERS

Veiling

- Springkasteel
- Boeremark met uitstallers en Rommelverkoping
- Kosstalletjies
- Musiek

tops! 2 at SPAR®

Additional shop now open

Maandag-Donderdag: 10:00 - 19:00
Vrydag & Saterdag: 08:00 - 19:00
Sondag: 10:00 - 17:00 **058 853 0066**

Langmarkstraat 55 | Heilbron

FRANKFORT VEILING

FRANKFORT WEEKLIKSE VEILING Elke Donderdag te Royal Auction Centre

Vir kraalbesprekings en inskrywings, skakel:
Piet Boshoff, Sel: 083 210 7135

BKB Louwid Noord:
“Waar sake ELKE keer die EERSTE keer REG gedoen word!”

AFSLAERS: Posbus 220, Frankfort, 9830
Tel: 058 813 1071 Faks: 058 813 2317
E-pos: frankfort@bkbblouwid.co.za
Reg. No. 2005/026173/07

NAVRAE:
Piet Boshoff 083 210 7135
www.bkb.co.za

BKB LOUDID



**VIR DIE BESTE DIENS IN DIE DORP, KOM NA TATA HEILBRON!
NOU OOP VIR BESIGHEID!**



Eienaar herstel self paaie

*Nou maklike
toegang vir inwoners*

Besigheidsman en inwoner van Heilbron, Jannie Bornman van Bonus Hardware het uit sy eie sak al ongeveer 60 sakkies cement aangekoop om die paaie om Bonus Hardware meer rybaar te maak. Met sy eie werkers, tyd en gereedskap is hulle besig om die gate toe te maak sodat voertuie weer met gemak die pad kan gebruik. Die haglike omstandighede van die paaie maak dit vir kliënte moeilik om tot by besighede te kom.

'n Grappie lui dat as jy in 'n slaggat beland, jou selfoon sommer sein verloor. Dit is omtrent die toestand waarin kleiner dorpies hulle begewe. Heilbronnrs sien uit om nou maklike toegang tot Bonus Hardware te verkry sodra al die gate klaar gevul is.

Dankie Jannie!



Dis paasfees, die graf is leeg - Jesus het opgestaan



Omtrent twee meter hoog met 'n geskatte gewig van 200 kilogram, staan 'n kruis van cement in die tuin by NG-Kerk Suid. Die pragtuk kan van die pad af gesien word vanaf die ingang van die kerk in Heilstraat. Baie dankie aan mnr Willem Swart vir die maak en skenking van hierdie kruis.



Op die foto bo van die slaggate wat dit vir die inwoners moeilik maak om by die besighede uit te kom.

Op die foto regs is John en William besig om cement te meng om die gate mee toe te stop.



Beskerm jouself teen malaria

• Heilbron Kliniek

REISWENKE

Beskerm jouself teen malaria as jy deur streke reis waar daar baie muskiete is. Malaria is een van die grootste gesondheidsgevare vir reisigers. Dit is 'n protosoë-besmetting wat deur bloedsuende muskiete oorgedra word, wat gewoonlik snags byt. Die grootste gevvaarstreke is die tropiese dele van Afrika, Asië, Mexiko, Suiden Sentraal-Amerika, Haiti en Suid-Oos Asië.

In Suid-Afrika is die Noordelike Provinsie, Mpumalanga en Oostelike KwaZulu-Natal besmette streke.

Hoewel plaaslike oordrag van malaria elke jaar wissel het dit nie beduidend toegeneem nie, hoewel meer mense ander lande besoek en met malaria terugkeer. Malaria kan van 'n moeder na 'n ongebore baba oorgedra word.

Inkubasieperiode is 10-60 dae, maar kan langer wees. Die parasiete dring die lever binne, waar hulle vermeerder, uitbreek, die bloedstroom weer binnegaan en die rooi-bloedselle binnedring. Dit veroorsaak koors, koue rillings, hoofpyn, spierpyn, moegheid en dalk ook braking en 'n gehoes. Die siekte kan dodelik wees.

DAAR IS DRIE MALARIA STADIUMS

- Die koue stadium is 'n skielike aanvang van koue rillings wat van 15 minute tot 'n uur kan duur. Die pasiënt bewe onbeheerbaar.

- Die warm stadium duur tussen twee en ses ure en pasiënt ly aan hoë koors, kwaai hoofpyn, braking, dors, gewrigspyne.

- Die sweet stadium duur tussen een en vier

ure waartydens pasiënt erg sweet.

Mense wat risikogebiede besoek, het voorkomingsmedikasie nodig. Geen middel bied volkome beskerming nie en sommiges kan newe-effekte veroorsaak bv. hoofpyn, braking en diarree. Neem voorsorg deur antimarialamiddels te verkry en jou liggaam goed te bedek, onder muskietnette te slaap en insekweerdeers aan te wend. Onthou dat infeksies dikwels bedags opgedoen word.

Enige reisiger van 'n malaria-besmette streek wat koers ontwikkel moet as 'n mediese noodgeval beskou word.

BESKERM JOUSELF SO TEEN MALARIA:

- Bestee minder tyd snags buite en dra beskermende klere wat die arms en bene bedek.

- Wend 'n insekweerdeer aan alle ontblote vel, 'n mens moet die produk nie oordadig aan kinders of aan besoerde of geirriteerde vel aanwend nie.

- Slaap in akkomodasie met sifskerms of onder muskietnette.

- Neem minstens 24 uur (ideaal gesproke 'n week of twee) voordat die gevaarsone binnegegaan word, anti-marialamedikasie, neem dit tydens die verblyf steeds gereeld en ook vier weke lank na die terugkeer.

- Hou vir enige nadelige newe-effekte van antimarialamiddels dop (bv. 'n gejeuk, geswel, naarheid of 'n veluitslag) en meld dit aan.

Anti-marialamiddels verhoed nie dat die muskiet jou besmet nie, maar sorg gewoonlik dat infeksie nie ontwikkel nie.

Briewe aan:



Redakteur

Die volgende skrywe is ontvang van John gerig aan die redakteur.

I write to you as a concerned resident of Phiritona. My name is John (Bote) and I live in the far sides of Moherepa. There's an old woman living with her eldest son (possibly in his early 30's).


They live in a small one-roomed shack under harsh conditions which is not good or right for people to be living in. The roof let so much light through because of all the holes in the sink plates. If they were skwatta camping it would have been something but they are not! What hurts the most is that their front opposite neighbor is ANC's former Ward 5, Councillor, Sonti Mvundla. Yesterday, my fellow servants and myself decided to visit them just to check up on them, at 18:00 in the afternoon they were already in bed for the night. When we asked her if she is receiving grant, she replied and I quote, "Yes I do, but I'm not the one who collects it". "Who collects it?", I asked. "My brother", she replied. So we then asked her to connect us with her brother, she said something that now got us thinking that there's something going on here. Something fishy. She told us that we could ask the brothers number from Sonti Mvundla. Mr Editor, I'm the Chairman of the African Transformation Movement (ATM) here in Heilbron. I personally find it unfair for the mother and a son to be living in such heart-breaking conditions whilst Sonti lives in a huge, warm and comfortable house. I plead to you Sir, please run this story as that people come and donate. The African Transformation Movement (Heilbron) in association with Queens Organisation, are doing their best to find donors. People could donate old clothes, food, blankets or anything one can donate.

Die volgende skrywe is ontvang van Hélène Howell gerig aan die redakteur.

Die lui van die kerkklok van Petrus Steyn in vroeër jare was 'n hele proses - amper 'n ritueel - wat deur die trek van 'n tou, wat aan die klok vasgemaak was, gedoen is. (Nou werk dit elektries). Die koster was uiters presies in dié opsig, en het op sy Zabo-sakhorlosie gestaan en kyk dat hy die klok presies vir vyf minute aanmekaar lui. Tydens 'n begrafnis was dit prosedure om die afgestorwene se aantal lewensjare in stadige gelui te laat opklink, sodat elkeen wat binne hoorafstand was kon tel hoe oud die oorledene was. Om hierdie taak suksesvol te verrig was dit nodig dat 'n besondere slag met die klok aangeleer word. Só 'n proses was dit, dat die arme koster dit maar moeilik gevind het om nie uit asem te raak tydens 'n nagmaalnwEEK met al die dienste soos deur Oom Jan beskryf nie. Hulp vir die koster, by die geleentheid was dus onontbeerlik. By geleentheid het een van die jong manne ook opgetree as hulp. Ongelukkig het dié per ongeluk so hard getrek dat die klok omgeslaan het bo in die toering. Wat 'n konsternasie! Koster en helper moes op in die toering om die klok terug te kry in posisie, maar tevergeefs! Die volgende Sondag was die klok wel reg, maar het nie die gebruiklike volle vyf minute lank gelui nie! Hierna was die koster meer op sy hoede, want as die jongmans kom aanbied vir hulp, het die koster dan sy hand styf vasgehou, todat hy seker was dat die jongeling die regte "gevoel" vir die klok het. Dan het hy eenkant gestaan, die Zobo-horlosie dopgehou, en sodra dit tyd was om op te hou, gesê: "Gee nou vir my" en met alle mag die tou vasgevat om die klok tot stilstand te bring. Maar voordat dit egter tot stilstand gekom, is die tenger oom Kosie se voete so 'n entjie gelig!

Kollekte: Die koster, ou oom Dan Boshoff (oorlede Annetjie Oosthuizen se pa), het Sondae voor die erediens altyd by die hoofingang gestaan, met 'n bordjie vol kleingeld, om sodoende te kan help wanneer kleingeld benodig was. Veral vir die lidmate van plase, waar kleingeld nie altyd beskikbaar was nie.

(Geneem uit die kerkblaadjie, Lewende Lote van Petrus Steyn. Let wel, dis nie Lewende Rots soos verkeerdelik gesê is nie.)



TOPS 2 open

Heilbron Tops is nou nie meer net een winkel nie, maar twee. Heilbron Tops, steeds onder bestuur van Jimmy en Candice de Villiers-Smith, het so uitgebrei dat 'n tweede winkel oopgemaak is. Tops kan steeds deur kliënte besoek word langs SPAR en nou ook by die Commercial Hotel (waar die ou Commercial Drankwinkel was) op die hoek van Kerk- en Langmarkstraat. Die addisionele winkel is reeds oop vir besigheid aan die publiek. Hierdie geleentheid is deur die eienaars aangegep om die nuwe winkel te open nadat die behoeft vir 'n groter drankwinkel raakgesien is. Die perseel is sentraal geleë en die deurlopende verkeer is uitstekend. "Ons is verskriklik opgewonde oor die nuwe Tops", laat hoor Jimmy. Die nuwe Tops gaan 'n groter verskeidenheid van drank aanhou

wat whisky, gin en 'n wynkelder insluit. Die besigheidsure is as volg: Maandae tot Donderdae vanaf 10:00 tot 19:00, Vrydae en Saterdae vanaf 08:00 tot 19:00 en op Sondae vanaf 10:00 tot 17:00. Gaan loer gerus in gedurende die Paasnaweek - daar gaan 'n verskeidenheid spesiale aanbiedinge vir Paasfees wees wat nie misgeloop kan word nie. Hou ook Heilbron Tops se Facebook-en Instagram-blad dop vir verdere spesiale aanbiedinge. Daar word steeds konstruktiewe op die perseel gedoen - kliënte moet net geduldig wees, want daar is baie om na uit te sien as die werk afgehandel is. Hou die spasie dop, daar gaan nog groot dinge gebeur.

Op die foto: Carol, Jimmy en Candice de Villiers-Smith voor die nuwe Tops.

We're closer to mankind's greatest breakthroughs, than we are to women's most basic rights.

Commission for Gender Equality
Promoting free, fair and gender-sensitive media and society

Grond en Onse Grond

EK MOET ERKEN: EK IS NIE DIE WÊRLD SE BESTE VOORBIDDER NIE. Ek vergeet soms om mense voor die Here te bring en hulle behoeftes voor Sy voete neer te sit. Daarom het ek 'n lysie persone/instansies vir wie ek bid wanneer ek stort.

Een daarvan is die verkiesing. Het jy al daarvoor begin bid of dink jy dat nie eens gebed ons sal kan red nie? Wat jy ook al dink, is dalk nie nou ter sake nie.

Die verkiesing lê soos 'n berg en wag. Baie hou asem op vir 8 Mei 2019. Sommige mense is al blou om die kiewe soos wat hulle uitasem is. Baie mense dink nie eers daaraan nie. Dan is daar ook sommiges wat nie omgee nie. *Let bygones be bygones.*

Die gemene deler by al hierdie partye is grond.

Hoe jy ook al daaroor dink – grond speel 'n belangrike rol. Daar is selfs een party wie nie eintlik 'n baie goeie verkiesingsmanifes het nie, hulle het ook nie eers 'n plan en begroting vir verkiesingspropaganda nie. Hulle maak gebruik van 'n baie beter advertensieveldtog, en dit kos hulle so te sê niks.

Hulle maak uitsprake wat jou in jou tee laat stik en die OVK laat hulle begaan. Die media gee hulle dekking vir elke banale, ondeurdagte haatspraak-uitspraak wat hulle lewer. Hoekom sal hulle dan 'n advertensieveldtog nodig hê?

ANDER PARTYE IS NIE SO BLATANT OOR DIE GRONDKWESSIE NIE. Sommiges wil hê dat grondonteinging sonder vergoeding dadelik moet plaasvind, maar met 'n sekere proses. Dan is daar een of twee partye wat dit teenstaan. Natuurlik befonds laasgenoemde partye hulle eie veldtoge en hulle kry nie so baie lugtyd soos die liberale anargiste nie.

Verlede naweek gaan ons na my tuisdorp, gryp 'n graaf en 'n hark en gaan begraafplaas toe. Dis nou ses maande sedert die afsterwe van my pa-held, en ons wil gaan kyk of dit al tyd is om die grafsteen te bestel.

Toe ons daar inry, is daar twee rooi dakkies wat uitsteek, iewers in die dynserigheid vorentoe. Ek kan nie sien hoe groot die dakkies is nie, ek weet nie of dit langs-aan 'n graf opgeslaan is nie, want ek kan letterlik net die dakkies sien.

My man vra waar presies my pa se graf is. Dis mos maklik, dink ek, dis agter my rooikopsussie se graf. As ons nou net my rooikopsussie se graf kan kry.

Die gras staan skouerhoogte. En dis nie 'n lieg nie. Ons vat die graaf en begin die bossies wegskraap. Soos Doctor Livingstone van ouds kap ons 'n pad oop min of meer in die rigting waarin ons dink die graftoe moet wees. Ek staan verstom dat 'n begraafplaas sò kan lyk. Daar is letterlik 'n tweespoorplatgetrapte grasbegroeide paadjie waar die lykswa van Donderdag se begrafnis moes inry. Die arme bestuurder kon sekerlik nie sien of hy oor een of ander dooie se kop of sy voete ry nie.

Die rye grafte staan skeef.

(Ek herinner my aan 'n paar jaar gelede, net nadat rooikopsussie begrawe is. Ons hele familie is begraafplaas toe, want ons kom bossies by Liena se graf uithaal.



My ma wys vir broer-seun hoe skeef die grafte is. "Krappies se vrou moet ook nog langs Krappies begrawe word, en hierdie ry is so skeef dat sy nie daar sal inpas nie. Wat gaan sy nou doen?" wou my ma weet. "Ouma," sê Jaco, haar kleinsun ewe nadenkend. "Ouma, ek dink sy moet eers kom vir 'n fitting".

My man blaas later met 'n rooi gesig weens die uitputting om my pa se graf oopgeskrop te kry. Ek trek solank die grasperle van Liena se graf af. En ek wonder...

Daar is geen tradisionele groepering in Suid-Afrika waarvan ek weet, wie nie hulle dooies begrawe nie. En hulle word in die grond begrawe. Grond. Grond. Lui dit iewers 'n klokkie?

EK WONDER HOEKOM SAL JY NOG GROND WIL HÈ AS JY NIE EERS NA DIE GROND KAN KYK WAARIN DIE DOOIES, VAN WIE SOMMIGES STEEDS AANBID WORD, BEGRAWE IS NIE?

Grond verbeter blykbaar mense se kwaliteit van lewe. Miskien. Maar definitief word daar geen waarde aan die *ancestors* wat hier begrawe is, geheg nie.

En waar daar reeds grond aan mense gegee of geleent is sodat hulle met hul eie projekte daar kan aangaan, is dit meeste van die tyd nie suksesvol nie.

'n Naby familielid het 'n plantprojek in die NW provinsie gehad. Hy het borge gekry vir saad en kunsmis en toerusting soos grawe, harke en dies meer. Hy het die projek aan die gang gesit en weekliks gaan kyk en raad gegee. Die groente het welig gegroei en begin blomme draai.

Toe gaan hy oorse vir 'n tyd lank. Met 'n blaaskans terug in SA, gaan hy dadelik na sy projekplaas toe. Groot was sy verbasing toe daar nie eers 'n graaf oor was nie. Daar was niks. Totaal niks. Dit wat daar was, is weggedra. Die plante is vrek en daar was geen opbreng nie.

Gegewe die herrie oor grond, verstaan ek nie hoekom die grond wat reeds aan groepe mense gegee word, nie ten volle benut word nie.

Gaan lees op <https://www.politicsweb.co.za/politics/land-reform-process-only-ruins-and-tree-trunks-left> wat met die plase by Zebediela gebeur het.

My vorige-vorige baas het vir almal wat wou hoor vertel dat hy 'n grondeis ingestel het omdat sy pa beeste opgepas het op die plek waar daar 'n groot metro ontwikkel is. (Hy is steeds 'n inwoner van daardie metro). Ek vra toe vir hom of hy die grond wil terughef.

Ewe selfvoldaan sê hy: "I don't want the land. I want the money."

En daarvan sê ek soos my nie-Engelspratende vriendin: "I pack my case."

My vraag is nog steeds: As jy nie na die grond kan kyk waarop jou voorsate begrawe is nie, hoe gaan jy na die grond kyk wat gratis aan jou gegee gaan word om ons ekonomiese te help bou?

As iemand dit vir my kan antwoord, sal ek baie bly wees.

Heilbron Herald

GEMEENSKAPSNUUS

Op en Wakker Dienssentrum
vir Bejaardes Reitz

Program vir week

Maandag
09:00 Kooroefening

Dinsdag
09:00 Bloeddrukke

Woensdag
09:00 Dorp toe

10:00 Voetsorg

Donderdag
10:00 Sosiale program

Vrydag
09:00 Bybelstudie

Kontakpersoon

Petro Pretorius

082 325 1322

Heilbron Dienssentrum

Breëstraat 57, Heilbron
• Tel: 072 220 7272

Bestuurder: S. Meades

PROGRAM

MAANDAE:

08:45 - Gimtrim

DINSDAE:

09:30 - Bloeddrukke

word geneem.

10:00 - Ledeprogram

(Elke week iets anders)

WOENSDAE:

10:00 - Spelletjies,

Jukse en sovoorts.

Elke week iets anders.

DONDERDAE:

17:00 Kooroefening

Geen byeenkomste

tydens skoolvakansies

RIEMLAND MUSEUM TYE
VRYDAE 09:00 - 13:00

Vir enige navrae kontak
Quarta Pretorius 082 821 2410 of
Magdaleen van Rensburg
076 646 8576



Biblioteek Tye
Piercestraat 66 • Heilbron

Heilbron Biblioteek is VYF DAE per week
vir die publiek oop en die tye is as volg:

MAANDAE TOT VRYDAE

09:00 - 16:30

BIBLIOTEEK IS GESLUIT OP
SATERDAE, SONDAE &
OPENBARE VAKANSIE DAE.

God is vir ons 'n toevlug en sterkte;
as hulp in benoudhede is Hy
in hoë mate beproef. Daarom
sal ons nie vrees nie,
al waggel die aarde
en al wankel die
berge weg in die
hart van die see.
Psalm 46:1-2

KERKNUUS

NG MOEDERGEMEENTE

Paasfees - **Sondag:** 09:30 Gesamentlike Erediens (Moeder)

Sin Kol: Venootskappe: Lesotho

Blok 3

NG SUID

Sondag: 09:30 Erediens (Moeder)

GEREFORMEERDE KERK

Sondae: 09:30 Erediens

Diensbeurte: Wyk 3 & 4

NEDERDUITSCH HERVORMDE KERK

H.V. Stoffneln- en Nicolstrate

Sondae: 10:30 Erediens / Kategese 10:00

Kontak Ds L.M. Prinsloo 016 973 1011, 083 943 4561

AGS PLEINSTRAAT 72

Sondae: 10:00 Erediens

Biduur Woensdae 18:30, Vrydae 19:00 - Jeug

Kontakpersone: Past LB Deysel, Tel: 058 853 1016

CHRISTUS GEMEENTE

(H.v. Right- & Gilbertstraat) - **Sondae:** 09:30 Erediens

AP-KERK

Tweedestraat, Vegkop-uitbr.

Paasfees Sondag 10:00 Erediens (Heilbron)

METHODIST CHURCH

Sunday: Worship service 09:30 each Sunday.

Almal welkom / All welcome.

Contact Pastor Chris Schutte 082 319 7820 or 071 410 6238.

GEREFORMEERDE KERK PHIRITONA

Sondag 10:00 Erediens - Kontak MP Malindi 078 054 2862

EBENHAESER BAPTISTE GEMEENTE

Hou erdenste op Heilbron elke 2de en 4de Sondag van die maand in die Methodiste Kerk op Heilbron om 12:00.

EVANG. GEREEF. KERK

FRANKFORT (MARKSTR. 20)

Sondagogend: 10:00 Erediens

18:00 Aanddiens / Bidure: Woensdae 18:00

Navrae: Ds Pieter van Wyk Tel: 083 594 3078 of 058 813 2424

AGS PETRUS STEYN

Pastoor Nico Theron Sel: 082 880 6477

Sondae: 10:30 Erediens / **Woensdae:** 18:00 Biduur

PENTECOSTAL CENTRE

(Assemblies of God, Sandersville)

Sondag: 10:00 Heiligmakingsdiens - 17:00 Evangeliediens /

Maandag: 18:30 Jeug / **Dinsdag:** 18:00 Gemeentebiduur - Matt 26:38, Jak 5:16, Eff 6:18 / **Woensdag:** Huissel, **Donderdag:** 18:00 Sustersbidaand

Vrydag: 18:00 Jeugaand, **Saterdag:** 15:00 Worship Team oefen.

Enige gebedsversoek skakel 058 852 2190

Navrae: Pastoor B. Bentsha 058 852 2190

AGS KERK SANDERSVILLE

Sondae: Oggenddiens 10:00. Maandag Huissel 06:00,

Biduur Woensdag 06:00. Kontak P. van Staden

CANAAN APOSTOLIC FAITH MISSION SANDERSVILLE

Dinsdae: 17:00 Jeugdienste & Oefeninge / **Woensdae:** 17:00

IS JY CEREEED·VIR NAMPO?

Herald

NAMPO SPECIALS

Valid Until 30 April 2019

058 852 3033 | heraldgraphics2@heilbron.co.za



SPECIAL 1

For Only
R 8,925
Excl VAT

1 x Standard Steel Gazebo (2m x 2m)
1 x Foldable Table
1 x Medium Table Cloth (1.4 x 2.4m)
2 x 3m Sharkfin Banners (5/s)
2 x Director Chairs
1 x Pop up Banner (1.8m x 0.7m)



SPECIAL 2

For Only
R 10,342
Excl VAT

1 x Standard Steel Gazebo (3m x 3m)
2 x 3m Telescopic Banners (5/s)
2 x Pop-up Banners (1.5 x 0.7m)
1 x Foldable Table
1 x Medium Table Cloth (1.4 x 2.4m)
2 x Director Chairs



SPECIAL 3

For Only
R 11,925
Excl VAT

1 x Aluminium Gazebo (3m x 3m)
2 x 3m Sharkfin Banners (5/s)
2 x Pop-up Banners (1.5 x 0.7m)
1 x Foldable Table
1 x Medium Table Cloth (1.4 x 2.4m)
2 x Director Chairs

For Only
R 3,442
Excl VAT

1 x Aluminium Banner Wall (2.25m x 2.25m)



SPECIAL 5

For Only
R 735
Excl VAT

1 x 3m Single-sided Telescopic Banner OR
1 x 3m Single-sided Sharkfin Banners

*Must be bought in pairs
*Crossbase not included



For Only
R 742
Excl VAT

1 x Standard Pull-up Banner (2m x 0.85m)



PLEASE NOTE:

Specials exclude VAT & delivery. There is an additional R200.00 setup fee for artwork.

Our lead time is 10 - 14 days after we have received payment and final signed off approval.

Any changes to current artwork my result in design charges at R370/p%

Heilbron Herald will not be held liable for any Layout, Colour, Spelling or Grammar errors if approval of artwork was received.

The Sharkfin and Telescopic banners must be bought in pairs of 2.

FANTASTIESE PAAS BESPARINGS

My SPAR

SOOS OP
TV



SOOS OP
TV



SPAR
Verlengde
Raklike
Volroom of
Lae-Vet
Vars Melk
(uitgesondert
Hoë Vet)
2 liter

2199
elk



SPAR
IQF
Gemengde
Hoender
Porsies
2 kg

Kry 'n ekstra
R 2 af
x 20

WINKEL PRYS R 5199

R 4999
lede betaal

SOOS OP
TV



Kellogg's
Graanvlokke
1 kg

4899



Nescafé
Gold of
Espresso
Koffie Fles
200 g
(Kafeienvry
uitgesl.)

8299
elk

SOOS OP
TV


Sunlight
2 in 1
Gewoon, Tropical
of Laventel
Handwas-Poeler
2 kg

3999
elk



Besikbaar by uitgesekte SPAR, SUPERSPAR en KWIKSPAR winkels (SPAR Express-winkels uitgesluit) tot en met 22 April 2019 terwyl voorraad hou. Ons behou die reg voor om hoeveelhede te beperk. TV-produkte landwyd besikbaar. Nie besikbaar in die Upington of Keimoes area, KwaZulu-Natal, die Loeveld of die Wes- en Oos-Kaap nie. Prijs sluit BTW in.

Top 5 presteerders van Hoërskool Wilgerivier



Johnny Muller (94,14%) Graad 12



Diana Mouton (90,14%) Graad 12



Cornel Smit (84,29%) Graad 12



Ruant Victor (81,29%) Graad 12



Armand Keller (80,71%) Graad 12



Anita-Marie J v Rensburg (83,86%) Graad 11



Wilhelm Burger (83,14%) Graad 11



Lené Muller (81,86%) Graad 11



Janie v Rooyen (77,43%) Graad 11



Hano Jordaan (76,71%) Graad 11



Isa-Mari van den Berg (89,57%) Graad 10



Marike Muller (89,00%) Graad 10



HW Müller (86,14%) Graad 10



Wilandri Naude (85,00%) Graad 10



Goran Budiscak (83,13%) Graad 10



André Richter (92,11%) Graad 9



Lené Richter (91,11%) Graad 9



Christine Malan (89,78%) Graad 9



Lesedi Mokoena (87,89%) Graad 9



Jonél Janse van Rensburg (86,11%) Graad 9



Jhonder Struwig (86,11%) Graad 8



Zernich van Zyl (85,67%) Graad 8




Berdine Müller (84,00%)



Amanda Jackson (83,00%) Graad 8



Tom van der Watt (79,33%) Graad 8



Jean-Pierre Prinsloo (79,33%) Graad 8

Indien u enige nuus vir die koerant het, skakel of stuur e-pos vir Jolandri by 079 846 1075 of 058 852 3033
• E-pos: heraldnuus@heilbron.co.za

Eerste netbalspan



Op die foto bo is Hoërskool Heilbron se eerste netbalspan saam met Johnny Claassen wat hul tasse geborg het. Voor: Mienke Roos, Patricle van Staden, Rethabile Monyai en Roxanne Roos. Agter: Sarie Strydom (afrigter), Shamilla Poulton, Amané Watson (kaptein), Johnny Claassen (borg), Izany de Wit, Jadene van Zyl en Bertina van Rensburg (afrigter).

HOËRSKOOL HEILBRON
bied aan

Donkey Derby

R150 p/p

Kom deel in die opwinding en wed op jou gunsteling donkie

26 April 2019
18:00
Skoolsaal

2 GESKENKPAKKE MET
2 GESKENKBEWYSE GAAN OPGEVEIL WORD

Koartjie sluit 'n lige ete in
Bring asb eie drinkgoed & KONTANT

WYN PROE - 6 verskillende soorte
GROOT PRYSE TE WEN

KONTAK | Monette 076 854 5266

tops!

GEKLASSIFISEERD

Smalls

Die Heilbron Herald word uitgegee & gedruk deur die eienaars Heilbron Herald (Edms) Bpk,
Elsstraat 44, Posbus 166, Heilbron
Tel: (058) 852 3033/4/5 • Faks: (058) 853 0140
www.heilbronherald.co.za

E-POS ADRESSE

- Abrie Watson abrie@heilbron.co.za
- John Watson john@heilbron.co.za
- Winkel heraldwinkel@heilbron.co.za
- Lizzy herald@heilbron.co.za
(Kommersiële drukwerk & koerant bydraes ens.)
- Carien heraldgraphics1@heilbron.co.za
(Kommersiële drukwerk & koerant bydraes ens.)
- Delareyz finance@heilbron.co.za
(Rekenings, state ens.)
- Christelle heraldoftice@heilbron.co.za
(Bestellings ens.)
- Jeanne heraldgraphics2@heilbron.co.za
(Wyeformaat drukwerk, plakkers ens.)
- Elsabé heraldgraphics2@heilbron.co.za
(Wyeformaat drukwerk, plakkers ens.)
- Jolandri heraldnuus@heilbron.co.za
(Koerant, advertensies)

Koerant sirkuleer in Heilbron,
Petrus Steyn, Frankfort en Reitz.

Menings en opinies wat uitgespreek word in briewe en rubriek, is dié van die individue en weerspieël nie noodwendig die siening van die redaksie nie.

WEERVOORSPELLING

Vr 19 Apr.	15 / 27	Sonnig, warm
Sa 20 Apr.	14 / 26	Sonnig, warm
So 21 Apr.	16 / 23	40% kans vir laatmiddag buie
Ma 22 Apr.	13 / 22	67% kans vir donderbuie
Di 23 Apr.	13 / 22	50% kans vir reën
Wo 24 Apr.	11 / 25	6% kans vir reën
Do 25 Apr.	12 / 25	Gedeeltelik bewolk
Vr 26 Apr.	12 / 26	34% kans vir reën
Sa 27 Apr.	12 / 26	Gedeeltelik bewolk
So 28 Apr.	11 / 25	Sonnig

KENNISGEWING**BLOEDSKENK DATUMS****HEILBRON****PLEK: N.G****Kerksaal (Suid)**

- 28 Mei 2019
 - 23 Julie 2019
 - 19 Sept. 2019
- (Op 'n Donderdag en nie op 'n Dinsdag nie, 24ste is 'n vakansiedag en langnaweek).
- 26 November 2019

LIQUIDATION AND DISTRIBUTION ACCOUNTS IN DECEASED ESTATES LYING FOR INSPECTION

In terms of section 35(5) of the Administration of Estates Act, No. 66 of 1965, notice is hereby given that copies of the liquidation and distribution accounts (first and final, unless otherwise stated) in the estates specified below will be open for the inspection of all persons with an interest therein for a period of 21 days (or shorter or longer if specially stated) from the date specified or from the date of publication hereof, whichever may be the later, and at the offices of the Masters of the High Court and Magistrates as stated. Should no objection thereto be lodged with the Masters concerned during the specified period, the executors will proceed to make payments in accordance with the accounts.

Province: Free State
Estate Number: 7909/2018

Surname: Brundson

First Names: Lambertus Hendrik

ID Number: 390929 5007 081

Last Address: 127 Raubenheimer Street, Heilbron, 9650

First and Final Account

Period of Inspection: 21 Days

Master's Office: Bloemfontein

WILLIE J BOTHA ATTORNEYS

97 KELLNER STREET, WESTDENE,

BLOEMFONTEIN, 9301

E-MAIL: DEEDS@WJBATT.CO.ZA

TEL: 051 430 4353

Publication in the Government Gazette: 12.4.2019

KENNISGEWING VAN TER INSAELEGGING

In die boedel van wyle ERASMUS CHRISTOFFEL GELDENHUYSEN, Identiteitsnommer 640911 5003 086, wie woonagtig was te Barrackstraat 44, dorpsgebied Heilbron, provinsie Vrystaat, wie oorlede is op 16 Maart 2018, boedelnommer 002904/2018.

Hiermee word kennis gegee dat die Eerste en Finale Likwidasie- en Distribusierekening by die kantoor van die Meester van die Hoogereghof in Bloemfontein en by die kantoor van die Landdros in Heilbron, Vrystaat, vir 'n tydperk van 21 dae vanaf datum van publikasie hiervan ter insae sal lê.

JG POTGIETER & VENNOTE INGELYF
BREËSTRAAT 33
POSBUS 199, HEILBRON, 9650

GEREGISTREERDE OUDITEUR

ROLSTOEL PROJEK

Kom help ons om "bread tags" in te samel, vir elke 350 kg word 5 rolstoele geskenk aan behoeftiges. Daar is 'n houer in Herald Office National winkel. As almal saamwerk word dié 350kg gou-gou ingesamel.

TE HUUR**HEILBRON ROLBAL-KLUBHUIS**

Gesik vir ongeveer 70 mense.

Sluit in volledige eetgerei, stoof en 2 oonde, gelisensieerde kroeg beskikbaar.

Bespreek by
Magda Bierman 083 292 1503

EIENDOMME**VAN DER MERWE & VENNOTE EIENDOMME**

Oir die beste transaksies en diens

Elsstr. 47 HEILBRON

Tel: 058 852 2041

Petro Meintjes - 083 308 9159

TE KOOP

GiG Technologies
Kerk Str. 48
Heilbron
(02 840 4493)
info@gihtechnologies.co.za

Fast, Reliable Wireless Internet
Now Available!!
From R299.00 p/m

**TUPPERWARE TE KOOP**

Vir bestellings kontak
Jolandri 079 846 1075
Heilbron

SKOOL TERMYNE

• Sluit 14 Jun.
Open 9 Jul. • Sluit 20 Sept.
Open 1 Okt • Sluit 4 Desember

Indien u enige nuus vir die koerant het, skakel
Jolandri by 079 846 1075 of 058 852 3033.

JAARBEPLANNER**APRIL**

- 16 Sek. netbal: HTS (tuis)
- Sek. hokkie: Blouskool (tuis)
- 17 o/12 en o/13 Fezile Dabi netbal proewe - Sek. hokkie: AHS (weg)
- 23 Sek. netbal: Affies (tuis)
- 24 Netbal: o/10 - o/13 nie-liga toernooi te Noordskool
- 24 Huis-en Tuinbouklub vergadering
- 25 Sek. Rugby: Krugerlaan (tuis)
- 26 Sek. Tennis
- 26 Donkie Derby Hoëskool Heilbron Bazaar - AGS Kerk

MEI

- 14-17 Nampo
- 22 Huis-en Tuinbouklub vergadering
- 12 Huis-en Tuinbouklub vergadering
- 2-3 Boeretreat
- 21 Huis-en Tuinbouklub vergadering
- 18 Huis-en Tuinbouklub vergadering
- 12 SPAR-Gholfdag
- 23 Huis-en Tuinbouklub vergadering

JUNIE**AUGUSTUS****SEPTEMBER****OKTOBER****BESTREKKINGS VAKANT****TEGNIESE VELDBEAMpte**

Van Lill Wolkopers is op soek na 'n Tegniese Veldbeampte vir die Heilbron Distrik.

Minumum Kwalifikasies:

Graad 12 en / of Diploma en / of ondervinding.

Kerndoel van die pos is die bemarking en uitvoer van die maatskappy se dienste met die doel om markaandeel te handhaaf en te verhoog.

Werf van vesel, maatskappybetrokkenheid in gemeenskap, skeerdien, besoek van kliënte / nie-kliënte / nuwe besigheid.

Klassering van skape. CV's moet gestuur word aan: marina@vanlill.

com of skakel vir Jacques van Lill by 082 565 9944,

kantoor 041 4861237.

Sluitingsdatum vir aan-

soek 30 April 2019

MAXIMUM WEATHER PROTECTION WITH THE HASTINGS PARKA**GET READY FOR WINTER WITH THE REGO BODYWARMER****AANDAG****Indien u enige****REGS-****ADVERTENSIE****of ANDER****ADVERTENSIE****per epos of faks****stuur, maak****asseblief seker****dat u 'n****ONTVANGS-****ERKENNING****kry om enige****probleme****vroegtydig uit****die weg te ruim.**

AN ULTRA-STYLISH,
affordable must
have this winter!

SOFTSHELL JACKET

058 852 3033 | 44 Els Street, Heilbron, 9650

herald@heilbron.co.za | marketing@heilbron.co.za



Modelle pronk tydens Mnr en Mej Frankfort

Modelle in en om die omgewing van Frankfort het Saterdag, 13 April 2019, aan die Mnr en Mej Frankfort deelgeneem. Petronel Swart (voormalige Mev Vrystaat) het met groot entoesiasme die taak aangegryp en al die reëlings vir die dag

getref. Beoordeelaars het hul plekke ingeneem en die modelle het hul uiterste beste op die loopplank gegee.

'n Klomp modelle van Heilbron het 'n paar plekke verower op die dag. Dané Potgieter het die prys ontvang vir Best Dressed o/13 - o/15.

Dressed o/13 - o/15.

Leandri Fourie het weggestap met 'n debutante toekenning o/13 - o/15 en Mej Frankfort 2019, eerste prinses o/13 - o/15.

Ajay Saayman het die dames se voete onder hul uitgeslaan en die volgende gewen:

Mnr Frankfort 2019, Mr Fantastic en Best Dressed.

Michelle Snyman het in o/7 - o/9 en Mej Frankfort 2019, eerste prinses gewen, so ook die debutante toekenning vir o/7 - o/9.



Op die foto vl 0/7 tot 0/9 wenners: Arina Jackson (2de Prinses - Frankfort), Michelle Snyman (1ste Prinses - Heilbron), Kyla Oosthuizen (Wenner - Frankfort) en Nadia van Coller. Foto erkenning: Dawie Fourie



Op die foto vl: Ajay Snyman (Wenner - Heilbron) en Nadia van Coller.



Op die foto vl 0/13 tot 0/15 wenners: Jaun-Marie Erasmus (2de Prinses - Sasolburg), Leandri Fourie (1ste Prinses - Heilbron) en Karien Le Hanie (Wenner - Frankfort).

Paasfees by Dienssentrum

Heilbron Dienssentrumlede het hierdie week 'n Paasfees toneelspel opgevoer wat gehandel het oor Jesus se opstanding. Die lede het hul uitstekend van hul taak gekwy. Op die foto verskyn, Albertha Kuhn as Maria - Jesus se moeder, Gerda Theron as Maria Magdalena, Sharky Kuhn as Matteus en Joggie van Vreden as Petrus.



MINI KERMIS- AGS GEMEENTE HEILBRON

Waar: Langs Cornelius & Vennote - onder dakke - Kerkstraat, Heilbron
Datum: 27 April 2019 **Tyd:** 08:30
Tel: 058 853 1016

Baie lekker eetgoed word aangebied:



Kerrie & Rys, Pannekoek, boereworsrolle en basaarpoeding.

Vleis, koek, lekkers en wit olifanttafel. Kom kyk gerus self en geniet dit saam met ons.



Op die foto AJay Snyman (Best Dressed) en Nadia van Coller.



Op die foto Michelle Snyman (Ontvang Debutante toekenning 0/7 tot 0/9) en Nadia van Coller.



Op die foto Leandri Fourie (Ontvang Debutante toekenning 0/13 tot 0/15) en Nadia van Coller.

NOTICE IS HEREBY GIVEN IN TERMS OF REGULATION 3 (6) OF THE NATIONAL ENVIRONMENTAL MANAGEMENT ACT(ACT NO 107 OF 1998): ENVIRONMENTAL IMPACT ASSESSMENT REGULATIONS 2014 (as amended), TOGETHER WITH SECTION 12 OF THE MINERAL AND PETROLEUM RESOURCES DEVELOPMENT ACT, 2008 (ACT NO 49 OF 2008) AS AMENDED

NAME OF APPLICANT: Cluppin Investments (Pty) Ltd

NATURE OF ACTIVITY

Application for Prospecting Rights and Environmental Authorisation in terms of the MPRDA and NEMA acts.

Farm/s names	DMR Ref No;	Mineral/s applied	Location
PORTIONS 669-672, 677, 678, 683-687, 731-734, 770-773 AND REMAINING EXTENT OF 769 OF THE FARM HAARTEBEESTPOORT B 410 JQ	NW30/5/1/1/2/12593PR	Chrome,Platinum Group Metals,Titanium,Vanadium Phosphate and Iron Ore	Brits (North West)
PORTION 9 OF THE FARM ROOIWAL 285 JQ AND THE FARMS BOSCHPOORT 284 JQ, NOOIGEDACHT 287 JQ	NW30/5/1/1/2/12592PR	Chrome,Platinum Group Metals Titanium,Iron Ore, Vanadium and Phosphate	Rustenburg (North West)

REGISTRATION OF INTERESTED AND Affected PARTIES

In terms of regulations 42 & 43 of the EIA Regulation published in Government Notice No. 983 of 08 December 2014 the public is invited to register as interested and affected parties (I&As) express interest, comment and participate in the Public Participation Process (PPP). Please submit your written concerns within 30 days of this notice. Draft BAR will be available for comment for 30 days.

Registration, queries and written comment should be submitted to:

Postal Address: 40 Van Dalsen Street, 202 Soetdoring Hof, Wespark, Pretoria, 0183

Email:nditwanim@gmail.com; Cell: 061 489 0616/076 784 7550

Fax: 086 585 9388; Contact Person: Nditiwani Mavhunga

			3	8	5
1		2			
	5		7		
4				1	
	9				
5				7	3
	2	1			
		4			9

SUDOKU - Each grid is made up of nine columns by nine rows. This grid is then divided into groups of nine boxes giving a total of nine blocks. Each of these nine blocks must have the numbers 1 to 9 placed in them, but here is the catch - no row and no column can have any number repeated so your job is to place the numbers in the boxes without repetition in the rows and columns.

Paasbolletjies

Genoeg vir 18 bolletjies

200g droë vye, gekap en vir 30 min. in 125ml lemoensap geweek

65g suiker

5ml sout

10g kitsgis

7.5ml fyn kaneel

5ml gemengde speserye

5ml anyssaad

Gerasperde skil van twee lemoene

Gerasperde skil van twee suurlemoene

770g broodmeel

420ml louwarme melk

100g botter, gesmelt

1 eier, liggies geklits

Kruispasta

75ml broodmeel

65ml water

1.5ml sonneblomolie

Eierglaseersel

Eier en 'n knypie sout, liggies geklop

Glanslaag

65ml suiker

65ml water

2.5ml gemengde speserye

1. Gebruik 'n menger met 'n deeghaak.

Dreineer die vye, sit in die mengbak en meng dit met die suiker, sout, gis, kaneel, gemengde speserye, anys, gerasperde skil en broodmeel.

2. Meng die melk, botter en eier saam en gooi stdig by die meel terwyl die masjien aan is. Meng vir sowat 10 minute tot die deeg glad en elasties is.

3. Bedek die bak en laat die deeg vir een uur in die mengbak rys tot dubbel die grootte.

4. Voorverhit die oond tot 200°C. voer 'n groot bakplaat met bakpoeier uit.

5. Knie die deeg vir een minuut. Rol 18 rolletjies uit en pak hulle in 'n sirkel op die bakplaat uit. Laat 1cm tussen elke rolletjie oop.

6. Gooi met 'n skoon kombuisdoek toe en laat rus vir 30 minute.

Pasta

1. Meng die broodmeel, water en sonneblomolie tot glad.

2. Skep in 'n spuitsak en spuit 'n kruis op elke rolletjie.

3. Smeer met eierglaseersel en bak vir 15 tot 20 minute tot goudkleurig.



en gaar.

Glanslaag

1. Meng die suiker, water en speserye saam in 'n klein kastrol en kook vir een minuut.

2. Smeer die stroop oor die rolletjies sodra hulle uit die oond kom.

Haselneut-en-lemoen-botter

Genoeg vir 375ml

100g haselneute

100g makadamianeute

Twee lemoene, in kwarte gesny

Verhit die oondrooster.

1. Sit die lemoenkwarde op 'n bakplaat en sit reg onder die oondrooster. Rooster tot die boponde begin skroeï.

2. Haal uit en sit in 'n voedselverwerker.

3. Rooster die neute in 'n middelslagpan tot goudkleurig en voeg by die lemoene in die voedselverwerker.

4. Maak fyn tot 'n pasta vorm.

PAASFEESfokus

Volg dié eenvoudige stappe om Paashase met servette te vou:

Stap 1: Lê 'n groot lapervet op 'n plat oppervlak neer.

Stap 2: Vou die servet in die helfte sodat die onderste hoekies die boonstes ontmoet.

Stap 3: Herhaal stap drie deur die servet 'n tweede keer in die helfte te vou.

Stap 4: Neem die twee boonste punte en vou hulle oor teen 'n hoek van 90 grade.


Stap 5: Vou die onderste, buitenste hoekies na binne.

Stap 6: Neem die buitenste hoekies van die servet en vou hulle oor sodat die servet die vorm van 'n vlieër aanneem.

Stap 7: Draai die servet om.

Stap 8: Vou die onderste punt van die servet na bo.

Stap 9: Vou die onderpunte van die servet om sodat dit kan staan.



Woordsoek

CHRISTUS DISSIEPERS
DORINGKROON GALILEA
GOLGOTA GRAF
KLIP KONING

DOOD GOEIE VRYDAG
GOEIE VRYDAG JESUS
JESUS KRUISIGING
KRUISIGING PILATUS
PILATUS OPSTANDING
OPSTANDING SPYKER

PAASFEES
VERRAAI

Y	R	F	P	A	S	F	E	E	S	U	Z	F	N	Z	M	
D	O	O	D	B	B	C	G	T	G	J	T	B	O	S	L	D
N	P	C	G	O	E	I	E	V	R	Y	D	A	G	U	Q	Y
O	N	A	T	P	H	A	Y	E	L	H	S	P	U	P	C	H
O	I	I	Q	Y	H	T	G	N	I	D	N	A	T	S	P	O
R	R	A	T	L	S	O	S	L	E	P	I	S	S	I	D	S
K	C	A	R	J	B	G	H	G	N	Z	J	M	P	I	L	K
G	J	R	C	Y	C	L	W	L	G	I	T	A	C	U	C	N
N	F	R	O	A	H	O	P	Q	S	T	S	H	Y	O	C	H
I	G	E	Z	N	L	G	B	K	P	U	R	C	S	P	V	J
R	R	V	K	O	N	I	N	G	O	I	C	A	L	E	W	E
O	A	N	V	K	H	V	Y	F	S	R	L	K	X	V	K	L
D	F	V	S	U	S	E	J	T	Y	P	E	A	I	D	R	N
E	E	J	P	J	J	J	U	O	X	O	N	K	T	A	M	D
B	A	O	G	V	E	S	Q	M	C	R	O	O	Y	U	J	Z
A	M	M	N	V	D	V	G	A	L	I	L	E	A	P	S	C
G	N	I	G	I	S	I	U	R	K	H	R	S	C	V	S	Q

Ontrafel die woord

Bruintjies in 'n eiertjie

Bestanddele

- 12 ekstra groot eierdoppe
- 200g donkersjokolade, fyn gekap
- 125g botter
- 3 eiers
- 22g suiker
- Knypie sout
- 180g koekmeel
- 45mk kakaopoeier

Metode

1. Verhit die oond tot 180°C. sit die eierdoppe regop in 'n kolwyntjiepan.
2. Maak die gaatjie aan die bokant

effens groter met 'n sosiestokkie.

3. Smelt die sjokolade en botter saam in 'n bak wat knus op 'n kastrol halfvol kokende water pas. Trek van die hitte af en hou eenkant.

4. Klop die eiers en suiker in 'n ander mengbak tot lig en donsig. Vou die sjokolademengsel by die eiermengsel in.

5. Sit die sout, koekmeel en kakaopoeier in die sjokolade-en-eier mengsel in.

6. Vou deur totdat die mengsel goed gemeng is.

7. Skep die mengsel in 'n spuitsak en spuit die eiers halfvol met die mengsel.

8. Bak vir 15 tot 20 minute of tot gaar.

9. Sit die eiertjies in eierboksies voor, met ekstra gesmelte sjokolade.

Ontrafel die woord

Lees die verhaal van Jesus se kruisiging in Matteus 27 tot 28 en ontrafel dié sinsnedes:

1. TIDEGR WURKKETTSNIESMLU
2. LUENKSIDOG AMN
3. ERSP MNATLE
4. SSUEJ SBAABARB
5. OMSNI VAN SNEIRE
6. SJUSE RSHTCUSI
7. NIOKNG AVN IDE DJOE
8. WARAMO ETH U YM EVLTAAR?
9. WGOPKEE IUT IDE ODOD
10. SNOIPTU PLTSIAU
11. AREVARI DERU SUDAJ
12. SUKIGERGI YB TGGOALO
13. EID UNSE NVA ODG
14. OJFSE VNA IARAAMTE
15. GEIVELIB EID RAFG

SPORTverslag

Gebruik Paasnaweek vir gholf

Ligaspan kry blouoog



Die klub sal Vrydag gesluit wees maar die res van die paasnaweek is dit oop vir gholfers en besoekers om hulle vernuf te kom toets.

Die Vrydag draw is geskuif na vanaand om 19:00 en daar gaan vir die kinders 'n verrassing wees. Die Paashaas het 'n paar eiers weggesteek in die tuin en die soektog begin om 18:00. Saam met die draw is ook 'n lasagne te koop vir R35.

Heilbron se ligaspan het 'n harde hou op die oog gekry en verloor beide wedstryde teen Clarens en Reitz. Die voorgee

ding wil nog nie gaan lê nie. Die mening van sommige ligaspelers na afloop van Saterdag se liga op Kestell is dat dit miskien tyd is dat die manne meer "committed" raak en die liga 'n slag weer met geesdrif aanpak. Die enkelputjiespel se eerste ronde moet teen 2 Mei klaar gespeel wees, meeste spelers het nog nie die eerste ronde klaar gespeel nie.

Die klub sal Sondag oop wees van 10:00 tot 12:00 en Maandag van 09:00 tot 19:00.

Riemland Jagtersnuus

Die skietdag van Saterdag 13 April was 'n reuse sukses danksy ons borge. Hiermee wil ons hulle dan ook elkeen bedank.

Telwiedre Voere, BKB Heilbron, VKB Heilbron, Pakworks, Star Slaghuis, Breytenbach Boerdery, Twist & Curl haarsalon, Morne de Paiva, Itec Vaal en Elgen Sorg.

Dankie ook aan elke lid wat dit bygewoon het en ook vir die uitstallers Neels en Christelle van Heerden met hulle skietsakke en ander benodighede.

Hier volg die onderskeie wenner.

Jagweer - 1ste Liezel Engelbrecht (94/100), 2de Neels Claasen (92/100) en 3de Johan Breitenbach (86/100).

.22 - 1ste Des Young (92/100), 2de Neels Claasen

(89/100) en 3de Arnold Engelbrecht (89/100).

Haelgeweer - 1ste Arnold Engelbrecht (10/10), 2de Hennie Viviers (10/10) en 3de Rudi van Niekerk (9/10).

Handwapen - 1ste Hennie Viviers, 2de Adriaan Smit en 3de Johan Breitenbach.

Algehele wenner: Mans - 1ste Hennie Viviers, 2de Johan Breitenbach en 3de Arnold Engelbrecht.

Algehele wenner: Dames - 1ste Liezel Engelbrecht, 2de Silma Erasmus en 3de Jacqi du Toit.

Volgende skietdag sal dan plaasvind op 25 Mei en dis vir manne en vroue wat hul Chasa tellings wil verbeter.

JAARPROGRAM : 2019 RIEMLAND JAGTERSVERENIGING

DATUM	BESONDERHEDE	TYD
25-28 APRIL	HUNTEX	
25 MEI	CHASA KWALIFISERING / VERBETERING	09:00
1 JUNIE	.22 EN JAGGEWEER SPORTSKIET	10:00
27 JULIE	OVER UNDER SPANSKIET	09:00
17 AUGUSTUS	.22 EN JAGGEWEER SPORTSKIET	10:00
24 AUGUSTUS	BOSVELD OEFENING	09:00
14 SEPTEMBER	JEUGSKIETDAG	09:00
23 SEPTEMBER	INTERTAK SPORTSKIET : BLOEMFONTEIN	
5 OKTOBER	SKIET OEFENING	09:00
5 OKTOBER	TROFEE MEET	09:00
19 OKTOBER	.22 EN JAGGEWEER SPORTSKIET	10:00
8 NOVEMBER	JAARVERGADERING : RIEMLAND TAK	18:30
23 NOVEMBER	"D-DAG" INDIEN VAN TOEGEWYDE JAGTERS STATUS	
31 DESEMBER	LEDEGELDE VIR 2020 MOET NUO BETAAL WORD	

Spertyd vir bydraes en advertensies vir die koerant is WOENSDAG om 10:00. Indien u enige nuus het, skakel asseblief vir Jolandri by 079 846 1075.

MERK JOU KALENDER
2 - 3 AUGUSTUS '19

FONDSE GAAN NA VERSKEIE LIEFDADIGHEIDS-ORGANISASIES

BoereTreat

Swimming Pool Specialist
New Pools Pumps & Filters
Pool Relining Pool Heating
JOHAN 084 668 8865 All Areas

KENNISGEWING: MOEDERSDEEL BRANDBESKERMINGSVERENIGING

Neem kennis van Moedersdeel Brandbeskermings se algemene jaarvergadering.

DATUM: 24 April 2019

PLEK: Moedersdeel Boerevereniging Saal

TYD: 13h00 - 14h00

Alle lede en voornemende lede binne die gebied van die brandbeskermingsvereniging is welkom om die vergadering by te woon.

Vir enige navrae kontak:

Adriaan Lange 076 379 9364

Francois Martens 083 289 9114

Heilbron • Edenville • Frankfort



Hugo Groenewald
082 569 7205

Kontak hom gerus vir enige Lewendehawe bemarking, Uit-die-hand-transaksies of veiling navrae!

www.vleissentraal.co.za
VLEISSENTRAAL
JJ Hadebestraat 97,
Frankfort, 9830
Sel: 082 569 7205
Kantoor: 058 813 1067



BKB Louwid NOORD

Die komende week se BELANGRIKSTE veilings

DINSDAG - 23 APRIL 2019

VEREENIGING Weeklikse veiling
Kontak Jan-Hendrik Muller 072 512 2617

KLERKSDRP Weeklikse veiling.
Kontak Rudy van der Westhuizen 079 418 4289

WOENSDAG - 24 APRIL 2019

MEMEL Maandelikse veiling
Kontak Lukas Steenkamp 082 070 5992

DONDERDAG - 25 APRIL 2019

FRANKFORT KINDERFONDS VEILING
Kontak Eddie Muller 082 926 2219

KROONSTAD Weeklikse veiling
Kontak Piet Wessels 082 857 7827

PARYS - SASOLBURG: VOORSPOED BONSMARA VEILING
Geregistreerde en kommersiële Bonsmaras
11:00, Meyerskraal, Sasolburg
Kontak Rudi Nagel 082 905 6066

VRYDAG - 26 APRIL 2019

STANDERTON Weeklikse veiling
Kontak Erik Heymans 083 264 5177

POTCHEFSTROOM Weeklikse veiling
Kontak Salty de Villiers 073 816 4956